


燠麁小集

四

145
4
52

館書圖京東			
四册	九三架	一四函	詩文類
冊	號	函	類



填篋小集卷之四

水府 青山延壽輯

叔兄

戊戌元日

癸巳以來比年不稔至於丙申凶歉尤甚容歲大稔民始安息乃賦古風一篇以為炯戒云

君不見天保七年丙申秋風雨連旬兩不休風卷屋
茆茆如箭雨漲稻畦畦似湫濁浪排空何滔滔江河
幾處決堤流雨歇風收水愈至暮溢朝漂不暇避行
人旅客盡斷腸河伯陽侯稱得意須臾水落望茫茫

漲痕纔露殘稻黃黃稻無處不糜爛道是百年來凶
荒穀價騰踊侷金玉人間不復夢黃梁編戶不能輸
租稅市間焉能厭糝糠可憐寒村與僻落可憐羸老
與穉弱衣無可典室懸磬難奈老弱轉溝壑或削松
皮春作糝或篩泥土煮爲糜或言終朝唯一飯或言
竟日不一炊豆飯藿羹猶難得碾藁磨芻好充飢盤
殮粒粒皆辛苦始信古人不吾欺飢荒如此遍中國
不辨東西與南北此時縱不適陳蔡何邊能得免菜
色此時誰慕采薇人采薇幾日饑寒迫此時孰若赤
松子餐霞吮氣先去食我輩平生讀書人一時憤激

感君恩盡力竭智不自顧日夜惟思濟元元食亦不
忍爲之飽衣亦不忍爲之溫願作陶朱散私蓄願爲
汲黯發倉粟恨無將此蒼頡書能感鬼神雨米粟安
知凶歉如丙申無乃昊天醫世俗世俗從來不識兵
上廢文武下農耕上下所競奢與侈窮奢極侈送昇
平太倉陳陳弃不惜廟堂何及救荒策公無積粟支
十年私家無復儲儋石衆人之醉果何如奢儉之效
竟不虛涪水大旱振古然不啻苦民將警余何料凶
荒一夢裡汚邪滿車去秋是沉復東君布德澤朝野
從此謳歌起豐歉推移豈偶然吾欲自警綴長篇逸

樂難處辛苦易勿因富歲忘荒年

偶作

一夜飄零檐外桃桃紅滿地適相遭愛花痴癖真堪
笑牆面旁行學蟹螯

○○詠土筆

尖頭穎脫飽書空空裡誰求一字工半面肯窺文苑
上終身難浴墨池中虛名尚是管城子勝侶寧須楮
國公草聖未曾供雅興詩僊無乃策竒功佐餐羞與
蒲英伍勸酒本期尊菜同野客不知幽味在滿園零
落屬春風

枕山云肖物數篇長
律運江已異江湖諸
子之撰又非墨閣鉅
公體製別出一家機
軸其著眼之高殊為
難及
壽云句句工緻雖比
之謝宗可亦不多讓

初秋泛那珂江

何處消殘暑飄然江上遊行舟迎走岸短棹溯長流
淡靄千林夕清風萬里秋漁樵吾所適榮達亦奚求

初冬 原三

探勝柳塘北結廬金市東掃庭欣地窄看月愛林空
槁葉供茶具寒蔬助酒功吾生元薄劣依舊事雕蟲

○雁字十首 錄三

碧落不須秋免翰墨痕瀟灑帶清寒韋編三向雲間
絕鷺帖幾於沙上看隸文摸出秦書吏籀篆寫成周
史官大幅橫披行卷盡山頭落月一鈎殘

春秋隨例半空橫筆勢凌風字欲傾山吐玉蟾如滴水江籠蒼靄似陶泓天門月殿新看匾鐵畫銀鈎豈管評寄語墨家休費巧宛然飛白綴新晴羽翰隨意寫秋光竒字古文書幾行星似疎圈間密點雲如界墨經雌黃空中應學龍蛇篆月裡豈無金玉章幽客看來知省筆何論半滿與偏旁

初秋二絕

新水浮瓜滴未乾霜刀剖盡溢銀盤床頭頓覺驅炎熱一掬紅冰一掬寒
紈扇寧須信手揮北牕終日避炎威睡餘無意移吟

榻點破月明蝙蝠飛

○霰

先雪與風俱跋扈花摧枝戰定梅萼一時圓轉珠跳地不到坳中即不留

雪 原二

凍雲篩粉響蕭蕭疎密整斜隨意飄終夜剪花無擇木滿園生玉不栽苗捲簾檐外梅千樹乘興樓頭酒一瓢深淺何須將策試兒童已報到墻腰

○歲暮述懷 己亥

蝸廬常樂道瓢飲自安貧先難應後獲温故要知新

石川大清云識齋流

壽云三四太佳

用舍安關已行藏豈在人何時酬素志局促又迎春

○弘道館梅花應命十五首錄二庚子

翰苑移梅景色殊微風澹月影清癯雪中非有回春

力天下誰稱花裡儒西山公嘗稱梅為花儒者

積雪不勝春信遲忍寒先放幾千枝東風吹滿扶桑

地一任國香傳遠陞今公歌中有傳梅香於海外之語

再賦弘道館梅花原二

梅園庠序獨精神萬樹齊追惠化新白鳳舞風香冉

冉蒼蚪橫月玉鱗鱗千秋猶有西山澤四表共看

東海春明主不惟續先烈長令芳德及斯民

壽云十五首中以此篇為第一
楓灣君云絕唱

○暮春 上公行治兵之禮賦長句以記之

雲外譙樓百尺巍城頭幔幕四周圍身環堅甲元豪
壯手執彊弓倍猛威畫戟彩旌晴色動紅綰金鎖夕
陽輝 英明為戒偷安久未試春衣試鐵衣

七月既望好文亭賜宴壬寅

西郊新築一靈臺危檻摩空望壯哉階樂苑中僊樂
響好文亭上盛筵開湖光入座涼風足山色當檐蒼
翠堆湖山不若君恩重總使群臣醉玉盃

霞浦

湖連常總水雲濃日湧紅輪波上春回顧遙逢舊相

識南天笑指玉芙蓉

余歸水陽不望嶽蓮者數年今日對之如遇故人

○暮春同館僚諸子遊借樂園分得根字

煙林濃淡鎖郊原
官苑不知塵世喧
柳影花光涵水面
斷崖危石露松根
勝遊寧問輞川境
豪興豈誇金谷園
竟日徜徉幽邃地
歸途試欲覓仙源

借樂園廿詠 錄二

棣棠花發海棠殘
櫻雪桃雲又已闌
清和時節好風景
人在黃金世界看

棣棠花

石罅噴泉泉勢雄
直從平地灑空中
朝含霽色垂銀縷
夕帶斜陽吐彩虹

玉龍泉

○僊湖廿詠 錄二

湖山亦似學元暉
淡墨輕烟晚更奇
坤軸全開活圖

畫誰將雁字寫新詩

晚眺

晚雷殷矣暗平湖
風捲荷菱戰菰蘆
記得坡公詩句

妙黑雲翻墨雨跳珠

急雨

○暮秋十首 錄三

竹繞隣家隔小渠
桑樊園圃傍窮閭
柴關謝客風開闔
石鼎煎茶雲卷舒
紫栗金諸迎老少
芋羹蔬食送居諸
邇來惟耐傷時事
幾日無心課讀書

雁陣橫空爽氣激
一庭松菊露華凝
人心險似航滄

壽云誠齋手跋

楓灣君云合作

壽尤愛領聯

楓灣君云叔卿曾書扇贈余真十首中佳作

忍庵云人心一聯特
擊刺骨宜乎楓灣大
夫稱爲壓卷

枕山云末首亦佳作
不讓第二首

枕山云起四句景不
易下
楓灣君云凜凜乎有
光輝

忍廬云氣骨天成開
闔映蕩殊元勳一聯
足概南木公一生事
業

海世路危於履薄冰醉月吟風真我計匡君補過更
誰能讀書終日成何事惟閱古今論廢興

衡茅與世馬牛風黃葉青苔仄徑通秋海棠眠花寂
冥石菖蒲動玉玲瓏酒宜微醉何嫌薄詩是漫吟不
覓工詩酒令人忘寵辱陶然相對碧翁翁

○○題補公畫像十韻

人仰補公德風高菊水播元勳郭尚父首唱顏平原
統器支三世純臣萃一門奈何王室盛再遇賊塵
昏未痛前功廢還憐後患存先皇才雪恥大塔
亦銜冤良策千秋恨遺言萬古尊忠精貫日月義氣

壽云莊重如此集中
維多獲

振乾坤寧愧葛丞相豈惟臧子源中興雖已矣終合
慰英魂

○冬日新晴望鬢髮峯

鬢髮峯高似道人群山揖拱總兒孫西天跌坐嚴風
裡雲作衣裳雪作巾

乙巳早春三十首 錄三

鳳曆始從雞日開鶯簧已奏雁賓回夙將盤上迎春
餅欲祝戎衣捧得來
庭院風和午漏遲團團花影日中移床頭底事猫兒
戲稚女打毬歌竹枝

壽云叔氏所長蓋出
於真山氏

壽云細緻可喜

梅臨翰苑報春光，依舊猶傳浪速香。獨有先公遺愛在，吾曹不啻比甘棠。

○二月八日即事

迂拙從來捫虱談，人情世味不能諳。驅邪辟惡聊同俗，百尺竿頭捧一籃。

○賀森豹卿自醫官擢教職二十韻

東海推詩傑，名聲滿四方。華牋堆几案，錦軸溢書床。金石窓前響，蛟龍筆底翔。天才殊出類，篇什夙升堂。高潔唐韋柳，清真宋范楊。不惟能諷詠，況復愛文章。直欲師秦漢，安須學李王。構詞何雅澹，立意豈尋常。

楓灣君云高潔二句切於棕園

最羨家風盛，翻思祖德芳。餘論猶景仰，遺澤遠播揚。及此紹封日，應添奕世光。使君新受命，知己盡稱觴。拔擢誠堪賀，榮遷本至當。雖非千載遇，便是一鄉望。大道諳鄒魯，邪途閣老莊。全然飽仁義，詎肯願膏粱。曾有刀圭術，今登翰墨場。丁寧說經旨，勉勵見溫良。同學宜興起，舊盟亦主張。憑君敦厚教，早晚致鸞凰。

○落葉

風戰丹楓已亂飛，林梢無復碍斜暉。從他白帝不堪老，一夜秋山脫錦衣。

○○丙午元日

楓灣君云截句多此體即誠齋佳處

枕山云景物清麗情
思和平新年之詩固
應如是

喜鴉馴雀噪新晴紅旭催春上水城池面殘冰龜殼
釋山頭餘雪豹斑明荒年已兆豐年瑞閏歲何憂厄
歲名窮達元非吾所識一瓢家醞對梅卿

晚翠亭十絕 錄二

清陰匝地響蕭蕭或作龍吟或鳳簫一被勁風披拂
後依然疎密蔽雲霄

嫩綠扶疎粉籜飄籠煙礙月影蕭條此君曾有同盟
在不伴先春即後凋

○丁未初冬與季卿過桃源橋

桃花簇簇隔橋深雙屐穿來錦繡林今日春遊無覓

楓灣君云品格高雅
可謂一時絕唱矣

處一溪寒水舊知音

○西山舊隱在於桃源橋西柴關茅棟不設藩籬
其儉素雖庶人無以加焉然竹樹泉石遺愛所
存徜徉其間不覺為之鞠躬慨歎之餘賦長句
以寓欽慕之意云

衡茅四面擁雲峯山障巖扉苔蘚封芙蓉映水殘紅
盡松竹連簷積翠重風起泉聲奏琴筑日斜林影鬪
虬龍菟裘儉素纔容膝卜築幽清亦植節講學元堪
振百世崇文不敢愛千鍾隱淪曾見夷齊志高尚豈
同巢許蹤遺業如今多感慨名賢自古少遭逢沈吟

翻有無窮思欲去裴徊到暮鐘

山行

短帽載星行新寒已卜晴馬蹄知客路溪語答人聲
霜葉紅黃綠山畦凹凸平歸來回首處絃月射林明

○寄題白石君芙蓉石效輓轆體

誰料一拳靈秀鍾晴光直欲壓衡嵩天成應是無雙
寶山勢宛然不二峯坐覺陰崖撐白日望迷積雪摩
蒼穹君家節操堅如石長使兒孫鑑祖宗

己酉新春七首錄一

數世箕裘及小兒兒踰三歲好遊嬉今朝有喜人知

忍庵云結語警識非徒作也

否擬向晴窓誦學而

早春二三同志見訪二首錄一

舊識相迎日已斜園蔬家醞不須賒留賓詎用車投
轄卜夜方看燭結花抵掌雄談如卷霧驚人傑語孰
裁霞明朝未可空餘興期到梅園醉物華

○○白雪映紅梅 輓轆體

積素堆中絳雪芬獨將冰炭鬪寒溫瑤池弄影虹霓
落桃苑回春蝴蝶紛鮫容朝含丹淚泣嫦娥夕向月
宮奔若非銀鳳餐霞下應是火龍擎玉薰貝闕綿連
紅世界赤城突出白雲村如今猶想源平日遙望旌

枕山云非筆頭有五采者不能
忍庵云譬喻層出異彩繽紛

旗認兩軍

盆梅 為某氏囑

碧玉盆中薰麝臍輕紅淡白報春齊
花臨妝鏡香飄袖枝伴銀燈影滿
閨粉蝶未知排闥入黃鶯似恨隔
簾啼主翁苦竭栽培力付與詩家為品題

○聞 大將軍臨礫川第謹賦二律 錄二

秋晴不肯負佳期紅葉爛熳映翠微
日照園池籠瑞氣波邀劍佩肅風威
蒼巒入水天光近珠瀑當攔龍影飛
預卜一竿應有獲磻溪何必問苔磯

十月廿日拜靜神宮

是日祭日祠祀手力男命

楓灣君云雅整典嚴宛然唐人餘響

磴道入寒林鞠躬攀碧岑
旌旗飄樹杪簫鼓響雲陰
共仰回天力誰無捧日心
威稜千載古功德至今深

○十寒詞 錄二

池光凜凜見層冰青女前驅威已增
逢此歲寒饑凍日倩他風勢太憑凌
寒威

雲外長流匹練開樹頭返照數帆迴
陰風拂面暮寒急忽見江湖捲雪來
寒江

○新正書懷二十韻 庚戌

斗杓殘夜轉寒暖一朝分晴色
家家滿歡聲處處山河催淑氣
城闕帶祥氛乘曉衣冠列退朝車馬紛

楓灣君云坡公風調

棕園云余嘗有句云
蜀艷洛芳皆閨位花
王正統舍君誰今讀
此作暗合如此可謂
奇矣

紅顯墻角笑綠蟻掌中芬春待籠鶯早風迎寶鴨薰
呼名朋侶到添歲幼童欣疇昔希賢聖而今誦典墳
人皆憂北虜我亦祝東君累世承平久頻年邊警聞
戰袍擎餅餌操銃向瀛濱未講孫吳略徒慚燕雀群
爭傳籌海策安用送窮文既奉膺懲訓非唯防禦云
欲追班定遠還想李將軍金僕姑應試兔園冊孰勤
通經期皓首無暇望青雲况復麒麟畫何曾筆硯焚
新正思繼述大業仰功勳且喜泮池上英髦日采芹

○櫻花百詠錄一

天葩艷麗餘芳卿相牡丹妃海棠九十春光終一

統誰將正閏問花王

○寄綠阜名越君

梅雨晴來蘚色濃叩門常喜得歡容清風待客虛心
竹涼蔭停車偃蓋松籌海誰能窺妙算論文不復露
英鋒定知公退消閑具硯史墨經隨處逢

夏雨

掣電射窓檐滴鳴庭陰積水與階平風師陣陣雨師
退雲脚冥冥虹脚明一枕醒來胡蝶夢半天呼過杜
鵲聲今宵涼味誰收拾纔看樹梢蟾影清

○秋夜訪名越君

楓澗君云論文一句
最切綠阜

枕山云後半頗有跌宕之趣

錄阜君云奉和十首篇篇雅潔不類賡韵之作

清宵偶訪故人居坐命酒肴情有餘簷馬追涼聲斷
續華燈學月影何如佳期不待三秋半逸興飛揚八
月初東海鉤鏹無匹敵西風未必想鱸魚

春雪

誰料朝來六出降春寒唯覺夜方長新禽呼我果何
事雪壓梅梢掃竹牀

奉和信山公子元日高韻十首 錄一

免羨依舊典儀成春殿晴開劍佩明彩筆若非神助
在妙齡爭得頌清平

○五月菊十絕 錄一

休謂秋英美何如夏卉高試看炎帝子依舊著黃袍

○護王神廟

今茲辛亥 朝廷追錄和氣清麻呂之忠烈 詔

贈官爵賜號曰護王實千古之慶慨嘆之餘謹賦

古風一篇

煌煌 神聖後四海共尊崇黑衣知何物肯欲代
天功公時奉 聖旨 祖廟受神衷直言無所諱英
氣貫層穹帟口臣豈避天心自感通狂鯀如予何霹
憲忽排空一自全 皇統於今仰威風豈料片言力
却建百世功語默雖有時未知黃備公當時亦安在

沈山云揮黃備公四
句終篇不傷於直叙
又用路夫子二句更
見曲折

厚顏稱儒宗曾聞路夫子志與夷齊同却憶謫遷日
性命似鱗鴻誰知一千歲贈爵 帝念隆 詔命
及遺墳長護 帝王宮

○花月百吟錄三

花如待我月如迎迎月待花為弟兄月影婆娑花影
暗花光燦爛月光明吟過月下花無語步到花陰月
有情花月可憐還可戒花常開落月虛盈
晚來花月最清奇月出花雲隱半規月裡花香和露
滴花間月影借風篩遊人嘯月花如荅棲蝶眠花月
似窺對月問花花不語花惟勸酒月催詩

題扇面蓬萊圖賀外王父七十七初度

以下係壽賀詩

原百首今錄其八

三山掌上看何處覓神仙仙鶴迎翁舞蓬萊咫尺天

○延壽歌

餘裕相澤翁齡逾八秩老健無比頃者余以扇索
書乃題壽字見貽因押為韻戲作延壽歌

人間所願莫如壽古來難得期願壽餐霞欲傲王喬
壽炊玉可全彭祖壽松貫碧霄高益壽石臨黃壤早
逾壽窓對虬髯應養壽盆置雲根與齊壽談論豈必
恃長壽行游豈必杖靈壽唯思耆德忘吾壽每戒逸

居知我壽老無憂慮宜貴壽老無疾病宜希壽西土
曾稱神州壽東方勿問佛國壽昇平二百真多壽者
英未嘗讓九壽膏澤滂沛常先壽版圖未嘗遺下壽
衛生非是尋常壽錫老非是閭里壽自求豪俠千金
壽寧若名賢片言壽任他壽延稱萬壽任他壽詞擬
三壽壽樽爭獻壽山壽壽厄爭禱壽星壽百齡若能
終天壽相問何揭福祿壽一家若能介眉壽圖中詎
羨蓬萊壽翁有良嗣誰須壽翁有令孫孰不壽晨薦
甘脆兒爲壽夕進戲嬉孫作壽天下所慕莫如壽今
日誰敢及翁壽嗟余不帝贊延壽貽謀千載期翁壽

生日自壽 乙卯

千載徒聞養老瀧一杯濁酒醉蓬窗吾今四十其終
耳無復名聲動魯邦

安政丙辰孟冬廿三日爲晚翠先生五十初度

因賦以爲壽二首 錄一

梁苑應推第一流當今史筆古春秋醉餘常有坡仙
樂掃取鵝溪舞碧虬

○已未仲春五日季卿四旬誕辰賦以祝焉

同學依然三十霜春風二月共稱觴櫻花曾擬梅花

賦不肯輸他鐵石腸

季卿有櫻花賦蓋慕宗廣
平爲人擬其梅花賦云

○○松軒吟

大久保翁松軒齡已八十行步不衰爲賦松軒吟
松軒軒外好吟松吟向松軒好賦松如移卉木孰如
松若築庭園奚若松檐際寒梅已伴松門前水竹共
連松安排惟石只須松位置幽蘭宜用松玄猿倒掛
認崖松皓鶴來巢稱瑞松世間爭說三層松塵外徒
誇五粒松君看唐崎偃蹇松勝他冬嶺秀孤松誰言
秦國大夫松輸我東瀛多古松傳聞美浦萬株松想
見高砂千載松絕景何唯松島松清奇豈必松山松
海濤遙和枕邊松琴筑頻鳴屋上松起琴朝陽不背

松卧邀明月不離松春風秋雨肯忘松佳節令辰又
對松加餐勸酒每緣松引客開筵常傍松愛惜松花
未掃松栽培松子特封松欲壽父老擬喬松欲祝兒
孫比壽松棟梁休問百尋松琥珀應求十丈松一日
之歡此是松四時之樂無非松松軒所願元在松松
下酣眠行夢松夢中松即松軒松松軒腹上更生松
○祝松翁鶴齡
百歲今年欠五春康寧敢望太翁身誰圖安政庚申
載猶見明和丙戌人

○○安政己未三月十一日實爲我 景山老公六

壽云實事說去自妙

袞攬揆之辰謹賦一律竊祝壽考無疆云

萬朶絲櫻殿閣薰春風方欲侑金樽豫遊曾布救民
策績述已修經世文賢子元期三十子英孫應得幾
千孫蕪辭何以爲公壽赫矣威名震九垓

○九月十八日聞殘蟬

人過重陽將著綿微霜已下菊花天誰知晴日帶殘
熱黃葉堆中猶聽蟬

○暮秋陪環山公子宴於好文亭謹賦二律 錄一

一陣西風掃曉嵐好文亭上望湖南水光經雨明於
鏡山翠接天濃似藍賓就初筵筵已久臣歌既醉醉

壽云不求寄自奇

方酣殊恩臻此無由報公醺趨陪亦及三

○詠菊卅首 錄一

黃華不獨領深秋別有殷紅少比儔衆卉孰當霜下
傑晚風披拂錦堦登

○新年作二首 丙辰

東海陽和動柴門已掃塵松筠籠瑞靄金燧報清晨
冠蓋逢迎少光陰應接頻天殃追臘去帝祉共春臻
排闥山含笑憑欄水亦嘖吟邊催草夢醉裡伴花神
每道遭元旦乾坤覺一新

林表初暉動瞳瞳到講堂臘前逢瑞雪災後望休光

園柳迎人綠窗梅觸眼香拜年無雅客祝國有明良
未得救時術焉知辟穀方敢求安且飽唯願壽而康
料識省耕日恩風遍四疆

○丙辰八月廿五日夜半烈風雷雨拔樹覆屋不

知凡幾距天保癸巳暴風廿四年矣原二

夜來風雨曉飛揚風壓人家雨溢塘群籟怒號千里
震萬株酣戰一時傷老杉遮路摧還拔脩竹排墻折
且僵莫是皇天垂誠切西疇幸不到飢荒

○丁巳歲旦

春信元從何處傳梅花一笑立春前朝暎出海霞如

抹臘雪留寒鶯未遷家遇風掀成隔歲人經地震又
三年太平之象君占否萬里晴光潑眼鮮

○中秋吟

今茲丁巳中秋值雨悵然久之即命杯杪獨酌數
巡詩興復發因作中秋吟云

人待中秋月雲密月冥冥西舍東隣皆失望空將節
物月宮擎芋魁栗子先供具紫苑黃茅已挿瓶比隣
相賀餽月餅舉家團藥薦菜羹人生能得幾中秋中
秋佳節那可輕銀華錯落催蓬鬢金粟紛紛奈桂英
中秋能得幾歡會花期月約兩難并欲會交親筵未

設飛廉欬起蒼馬驚欲馳一介僮未諾檐溜乍成滴
 瀝聲瑤臺何處開明鏡綺席何人舉巨觥唯聞海上
 陽侯嘯纔辨空中雁陣橫今夕不晴期既望既望不
 晴來早晴秋霖定不出三日未必今宵對月明若自
 通天橋上去應得廣寒宮裡行遊觀不願霓裳舞轉
 瞬復遭鞀鼓鳴勿謂頑雲妨酒宴休言暴雨沮詩盟
 佳期易失盟難保好句難成興易傾把盃誰問天陰
 翳乘醉孰論月滿盈醉酣還憶中秋月月娥曾動故
 舊情今歲數奇詎須嘆異時奇遇北方崩安知非是
 西皇命便遣秋風掃太清安知非是風伯意却教秋

壽云叔凡常賦目前
 之事却覺詩趣入閒
 俗事一經陶冶則莫
 不與雅者非類范揚
 之域焉能臻此
 楓灣君云通篇皆實
 況而有清新高推之
 致至篇末尤服其縱
 橫

雨灑三更又安知風雨洒掃愆來期無乃是向中秋
 火急生吾將待雨收風歇後乾坤一變草木發晶瑩
 吾亦將歌劉詩妙人世翛然是玉京

○戊午歲旦

樂郊何識草堂貧鳳竹虬松又迓新曉色全晴東海
 色風塵不動北邊塵梅扶坐卧良妻妾烏和吟哦好
 主賓彩雪牋隨揮筆展紫霞盃為拜年陳齡逾一萬
 五千日身是素袍烏帽人長晝心寬如半隱詩書依
 舊課青春

和菊田君春倭歌 原十八

一朝可賀峭寒增留得梅梢又作朋恠底橋邊花影
碎遊鱗迸出半池冰餘寒冰

○和菊田君夏倭歌原十七

宛然刀影帶威風把揭朱門氣象雄重午驅邪應第
一匹如靈劍斬蛇功菖蒲

○秋夜觀星賦以誌異原三

大火西流夜已長彗星如掃吐光芒人間謾說豐年
兆直指天倉百尺強

○十月望步月得首尾吟遠寄伯氏

九霄磨洗一輪明滿地光輝不耐清遙想江南千里

楓灣君云珠圓玉潤
亦見其苦心

月江南千里動鄉情

江南千里動鄉情昨夜高吟入夢清定識客窓應不
寐九霄磨洗一輪明

次韻伯氏客中夏夜廿首錄一

快雨一時晴涼蟾入古城吟懷愁不寐簷溜已殘聲
先君子十六週諱辰因得一絕

先業難成感不窮空遭十有七霜風而今欲向墳塋
拜淚滴蒼苔剝落中

○庚申元日

三冬無雪祝豐穰未有來賓稱壽觴群壑鶯花誰管

領一家雞犬亦平章山田春色煙霞麗梅放曙曦研
席香半百今年猶闕五任他雙髻帶微霜

○九月廿六日扈烈公靈輿赴瑞龍山

憶昨金鞍入水城何圖今日送丹旌靈輿到處

腸將斷忍聽悲秋衰颯聲

久慈河上起悲風煙樹迂田路訝窮行向龍山揮涕

處丹旌已入暮雲中

○辛酉詩曆原二

二荒山色報三朝野鶴迎春舞九霄五日一風期大

有今年七十二風調

楓灣君云一字一淚
不堪再誦

楓灣君云詩律清嚴
是其長技嘗戒余收
牙就局於今不能亦
可愧焉

○新正三日雪與伯氏分韻得天字十六韻

東風吹瑞雪竟日舞春天柳絮何由早梅花欲競先
光輝搖眼界撩亂撲吟肩觸戶蕭蕭響飄簷片片鮮
簸揚精似米黏著重於綿擁篔開門逕呼童護水仙
遙巒逾白矣近嶺更皚然呵手兒爭掬忍飢鶯欲遷
擲珠來替戰騎竹去揮鞭詩屋方闔韻茶家亦代泉
吾纔含凍筆君已染雲箋竒險蘇黃句雄豪韓杜篇
醉哦欣不寐餘興定誰傳坐忘清宵盡窓疑落月妍
滿畦知種玉一斗敢論錢未施救荒策唯期大有年

○春興分得春字廿二韻

行藥及芳辰池塘草色新巒容光澹澹波面綠鱗鱗
纔到江湖地已離車馬塵殘梅隨步散香氣撲顏勻
何暇敲推久其如應接頻鶯邊斟美酒柳下逐佳賓
晴喜連三日雨愁逾半旬門無題鳳客庭有學詩人
不問風雲會寧求魚水親自非甘鼎鑊誰復上麒麟
縱擬朱公富馬嫌粟里貧繙書常尚友見義要成仁
惜此分陰過啗他尺蠖伸先知猶就祭後覺敢逃秦
未免終身患唯尋一味真窓栽王氏竹家積漢卿薪
漸近清明節還端袂襟晨憂懷云以解藻思爲之振
况得烟霞樂可辭薑桂辛蘭亭將援筆渭曲欲垂綸

楓灣君云全篇活動
令人不覺其對偶頗
有蘇黃之風

植杖花相伴臨流月作隣花月從吾好優遊度九春

○○偕樂園即事分得綠字

夜來烟雨深朝來乍晴旭適有雅遊期雨師先灑沃
相識兩三人奚童俱五六乘此浴沂辰忻然試春服
跬步入園門須臾忘塵俗逶邐路將迷篆籀碑難讀
西面闢詩境東邊披畫軸錦鱗橋尾跳白羽池心浴
芳草軟如氈落花斑似褥櫻岡香霧蒸菜圃黃雲簇
崖際碧松杉石間紅躑躅柳陰輕復柔鶯語斷還續
超然何陋庵庵低對天燭突兀好文亭亭高軼喬木
下瞰仙湖嘴微瀾織羅縠平臨筑嶽尖香靄半潛伏

上有樂壽樓被蒼猶可掬中有玻璃鏡林巒遙在目
詎羨費長房千里隨意縮寸人認漁子尺馬知樵牧
憶昨侍公譙趨陪麴醴醪細膾溢銀盤縷縷潔於玉
酣醉賦新詞吟哦恣遊躡仙樂有時起管絃與絲竹
劉曉振霄漢鏗鏘響川陸座上或揮毫龍蛇奔且速
座中或圍碁連戰挑且督或飛羽觴羽或泛曲溪曲
盛筵常卜晝昏暮胡爲卜今古一回頭光陰雙轉轂
歡娛能幾年事事成芳躅昭代存警戒異時知止足
多景豈懷歸恐遇仍孫屬勿言禁榜嚴不許茲投宿
昔遊談未了其奈斜日促同盟相詠歸再遊固所欲

楓灣君云結句殆有射石飲羽之力

若約再遊期尚及滿林綠

○越智氏牡丹

傳云征韓之役藤肥州獲此花獻豐太閤蓋其遺種云

雨打芳群一夜摧錦葩先帶霽光開誰圖鬼將征韓日却奉花王航海來

○夏夜即興

驟雨黃昏後炎威復何有香爐已燼香酒盞先呼酒
蘇息謝雷公忻然追電母風驅涼北來月逆雲東走
不羨御風人唯思修月手醉中隨意吟未覺憑軒久

戲賦回文二首

秋江碧水野風秋返照斜風吟鬢愁愁鬢吟風斜照

壽云開通之情亦可掬

返秋風野水碧江秋
書牀一掃晚風微落日殘空鳴雁飛
踈葉寒陰雲漠漠如何秋色雨霏霏

○歲暮

造化豈同生計拙官梅吐白清於雪兒馳竹騎氣崢嶸
嶸女唱毬歌聲曲折蝦蟇待臘沽神州玉曆先
春閱救民已及國中貧防海曾求天下傑排佛何排
佛手柑祭詩將祭詩家訣不關歲序送迎頻喜見金
盃隨意凸

男重光校

壽云前半清履壽之所喜

延壽

庚寅元日時年十一

暄風花色動萬里韶光同十歲總如夢今朝屈指空

○新正書懷三首原廿四首

茶鼎生煙窓欲沾吟肩倚几意無厭浮生一夢易過
去書劍十年難并兼清響撤簾春漏永芳醺撲鼻臘
醪甜多年學得一般嬾滿寸輕塵掩帙籤

預卜年豐春酒馐故啣金盞看晴暉林間晝靜聞鶯
語湖面風和有雁歸鴛鴦自笑經綸志梅柳先知造
化機金馬門中堪避俗吾生未歎昨成非

枕山云卷中伯仲兩
兄皆有新正之詩而
不襲舊套每多奇趣
季子亦有與佳作但
其風調異於伯仲乃
知善履道者不在補
行矩步也

忍蘆云前聯春初光
景如畫後聯亦奇

忍廬云領聯壯快

金鴨燒香煙似弦歡娛須及鬢毛玄已過鄧禹逢君
歲正遇周郎破賊年莫道黃梁如夢裡須將白酒慰
生前吾儕本學南華老滿酌未分聖與賢

伯氏墨竹二首原十首

文根坡老富清藻書比米顛露細筋餘事猶傳與可
妙即今三絕誰如君
舊書何用百回讀頃刻千言不駐翰吾愛將茲燕許
手寫成露下碧琅玕

○移居三首原四首

歲遇敦牂月仲夏卜居家在鏡湖東蔓藤花老墜輕

棕園云放翁嗣響

紫梅子雨過生淺紅斗粟空懷憂國志一犁却減著
書功書生淪落君休笑胸裡文章吐似虹

又云古人所謂詩窮而後工

幽砌不除細草茸南牆老竹影重重風入破窓咽暮
笛雨來漏屋看飛淙有客堪欣談媿媿近城常聽鼓
鑿鑿排悶須應賴詩句掃愁何用酒澆胸

枕山云此篇聲律句調字句巧穩四首中翹翹者

寥寂衡門半掩柴樹陰滿地老鶯啼新篁舒葉嫌傷
圓晚菊分根好作畦無肉何妨還水食却官更喜似
山棲畫長窓底幽眠足閑看林梢日影低

○山寺晚鐘

瑟瑟風杉白日顏輕烟如帶遶林隈疎鐘纔聽一聲

棕園云晚鐘如觀

響已促四山冥色來

○○記園中草木十首 原十四首

西郊數畝園幽人多閑適
 艷陽一暢敷桃李總的皪
 夏景向炎蒸紫藤亦奕奕
 梧桐秋聲起山栗較可摘
 嚴風結冰霜却有金盞拆
 莫言卉花微猶堪慰寥寂
 撲樹徒老大臃腫似散樗
 苦茶雖微卉採摘却可娛
 粲粲南天竺子美不堪如何
 如一叢篁秋艾當掃除
 吾生齊物我遇物本澹如
 况此草木微何足費毀譽
 荒園老桃李東欄看玉盞
 清香襲衣袖夜月放光彩
 還憶秋成時龍珠條累累
 剖來見玉膚瓊漿滴如水

廣瀨淡窗云詩亦似東坡
 探園云歷叙四時語簡意足

探園云尺短寸長莫不皆然
 松園云季卿絕句不知律律不知古風古風不費繩削而合法
 叔氏所評實無異論然古風詠古諸篇猶未盡技若是詠物諸篇句句清新字字可喜真箇雖前賢不遜焉
 為最諸最諸大振文風以續家聲者於季卿乎望之

東湖云余於季卿之詩開卷既覺詞鋒之銳然猶磨鈍策驚有旗鼓相當之念讀至詠物諸篇未暇挑一戰膽奪氣索望風而潰天功所謂雖前賢不能過者真非設言也

枕山云種花難保且夕種枝可支年歲取之補垣墻則可以代杉竹矣夫草木之細猶無棄物况於入材之大乎作者微意蓋在於此

淡窗云附冰山者可

咀嚙即消融冷冷能冰齒
 欲植梨千株與萬戶擬
 窓前有奇卉斷續花常新
 紅萼映日明翠葉含露勻
 清貧寧飲水何忍折為薪
 栽培復栽培好伴吾吟呻
 春芳兼寒萼隔時各騰芳
 天公似有私獨領四時春
 淒淒墻頭槿開落辨朝昏
 挿枝即叢生不瀆栽培煩
 莫言無宿花朝朝自吐芬
 弱質非挂性作籬護藥園
 昨夜風雨急墻角為風翻
 呼童斫數朶吾欲補缺垣
 綿綿牽牛草走蔓求所倚
 傍有朽枯樹縈攀高枝
 豈知秋風起傾倒更難支
 柔條兼翠葉焦卷真可悲
 舉足失所託顛沛汝取之
 吁嗟牽牛草微物何足訾

徐園云李卿古風不
事彫琢而清真樸茂
如其為文詠物諸篇
寄託深遠吐噀有味
可以踵二蘇之作矣

徐園云彼我夾屬情
景併叙沈鬱悲壯句
句矯健此是篇中第一

忍虛云記草木諸作
情景俱真調亦弘敞
孤高淡遠之致拂拂
紙上

身閑日方長携杖步幽砌墻陰有菖蒲抽葉似蘭蕙
孤潔山中物來此苦沉滯生意雖稍衰培養亦可濟
細石底虬根寒水灑芳袂驕人是貧賤何要吐仙蒂
南薰入庭樹殘紅紛解剝忽驚地墳起攢迸抽蒼玉
秋飈拂千林霜氣凜嚴肅翠葉含寒雨獨自伴甘菊
苦節不須贊君性本犖犖將茲君子性俯仰寧從俗
槎牙檐角梅樹古枝如腕素月穿林來移影到几案
志士耿不眠坐歎歲月換結實猶如昨復看雪粲粲
懷抱鬱無攄對君排吾悶何以贊冰操置筆獨三歎
北窓有藥卉叢生蔚作榛春雨綠苗軟秋風紅乳勻

未聞靈厓吠時有寒螿呻莫憂齋厨索作羹瘵我貧
况是多功能延齡又輕身要養讀書眼照見千古人
○近歲府下竹多枯園中一叢幸全伯氏喜而有

賦因和之

吾家脩竹翠千堆勁幹拂雲絕氛埃龍孫解籜呈新
綠一徑走鞭破蒼苔月下常聽佩環響秋實應待鳳
凰來紅紫鬪春爛張錦高秋忽逢風霜摧百卉黃落
無顏色始見此君歲寒姿吾家先生無嗜好唯窺典
墳窮探討有時健筆驅風雨逸氣浩浩凌秋昊縱橫
直疑開武庫焜煌却驚春龍矯兒曹彫蟲事摸擬一

朝逢君走且倒况又耆宿咸凋零應呼先生為文老
 先生與此君臭味全相勻先生愛君又成癖時時揮
 翰寫君真此君朋儕困疫癘往往相染皆顛顛吾家
 依舊獨青青宛似先生之晚翠先生有弟尤頑癡屈
 強空抱此君姿更欲以蕪詞評清韻今日為賦晚翠
 詩竹疫見五雜俎
今人亦為此語

呈仲卿兄

君不見弘農張長史苦學臨池忘百憂又不見江南
 僧智永敗筆堆積如山邱古來良工皆如此未見意
 造駕前脩眉山何事論獨高完取絹素充衾裯仲也

嗜好自幼稚搦管磨墨不少置月揮剡溪三千紙日
 臨行草一萬字焚膏繼晷尚不足夢中畫被被為毀
 摹盡晉唐迄宋明玉筋散隸窮幽秘飄逸宛如舒翼
 鸞俊快還若奔泉驥上比崔杜雖有謙下方羅趙亦
 無媿僻邑無聞空崢嶸聲價何日溢四瀛堪嗤世間
 能書者軟俗投時漫搏名吾亦夙昔好此藝空疎曾
 守眉山契蹉跎至今無所得始歎仲氏得三昧吾狂
 何以相抗衡要將突騎決勝敗凍硯拈來三十韻詞
 鋒何如筆鋒銳東坡詩不須臨池更苦
學全取絹素充衾裯

次韻仲兄元日書懷

忍盧云頭聯自在

東湖云編諸蘇陸集中
中語能辨真假
松間云詠物真是李
柳長秋
淡窗云為不羈士寫
照
叔兄云巧而不纖奇
而不怪結末簡潔可
喜然李于少安則又
為知非前途止於此
可戒可戒

雨後小池春水渾書窓稍覺韶風温引杯看劍氣空
在投筆論時心尚存狂士豈知無一得廟堂賴莫拒
輿言大國政刑本寬大早除黨禁及三元

○○笋

龍孫吾所愛當夏忽成列看守如養兒繕籬禦草竊
誰知一寸筋已有干霄質不忍為烹煮日日相摧折
難奈卓犖性不肯拘小節縱橫四走鞭破土日墳裂
小徑與菜圃為汝所凌蔑徑以適我遊菜以侑我歡
若無徑與菜何以養吾拙為是持橫鋏對彼亦中輟
慙慙思生路中心為鬱結二物不並立穿屣豈所悅

汝固無活理休罪吾饕餮自今安汝分慎勿事侵軼

○○蚊

茫茫天宇間蟲豸亦狼藉蒼蠅雖可憎唯知汗有核
蝮蛇雖可恐灌莽為窟宅豈如此白鳥夜夜來相迫
不論雨兼晴薨薨出屋隙黄昏噪遶簷更待燈上壁
斑脚宛如豹利嘴還似戟聚喧疑雷轟孤飛學鵬擊
逼耳何噐噐有如憇困尼先生苦炎蒸揮扇到日夕
日夕送微涼燒燈對簡冊蚊子忽相求肉薄肆咬齧
俄頃陷重圍投冊相揮斥下策須火攻驅除奏奇績
薰烟有時盡未見彼斂迹吹火復讀書何以堪勞劇

淡窗云可憎蒼蠅賦
並傳
枕山云一物之微而
關乎風教繫乎世事
此等之詩示之道學
先生亦不謂之無
用也
叔兄云此雖一時遊
戲句必有法字不苟
下較之其舊作大有
遜處李于所以至此
者罷官之功不為不
多

勞極更思卧聊欲煩襟釋先生有翠幃弊穿短且窄
未眠彼先投復聞聲嘖嘖縮頭如凍龜跼蹐被敗俗
夢中猶撲拊覺來血汗額執燭欲熨之膨脝飽肉食
幃裡已尤多幃外轉更聞焚殺何得殲起坐獨嘆息
汝受小人性凶狠本難革晝則為鼠竄當夜却奮翮
人是萬物靈咬咋養肘腋斬汝為萬段未足償其辟
為得如帝堯使益烈山澤驅逐汝醜類遠之於九貉
人間復高枕長無蟲豸逼

、中秋小集得群字 原三

諸君皆是冰霜質今日休辭麴蘖醺玉版飛毫舒白

東湖云拙齋先生在世也余嘗賦五古一篇贈李卿有五龍萃一門之句嗚呼先生往矣而別有飄然不羣之英物則五龍之

數猶自若也因憶伯御齡僅過強而李卿則蓋未盈壯振振幾羽不知前程更產幾多神龍豈不盛且偉歟

伯兄云李卿所恐吾亦恐之李卿所知則吾未可知耳
東湖云僕亦恐李卿所恐而不能脫嘗知李卿所知而不能言讀伯兄評深增慚愧

雪端溪得水吐玄雲阿兄久矣詩無敵小姪飄然思
不群吾家翰墨過三世願汝苦辛繼二勲二勲謂祖父出左氏

○登愛宕山 原二

遊子但憂徂歲闌山行猶及霜楓丹平生每恐人心
險今日較知眼界寬霞浦布帆翻蛟蝶水陽城堞臚
水紉再遊此地又何歲步步回頭子細看

○登筑波山

壯哉筑山何崔嵬上挿乾門下坤維雙峰秀出常陽
地絕頂俯瞰八州奇吾生疇昔勞寐何料今日相
攀追山脚佛刹亦宏壯金碧照曜看朱階石徑入雲

迷西東。樛木攬天遮。朝曦澗泉激。石奔雷響老藤倒。
谷密雲低驚見古樹獼猴集。滿林鬚鬚挂兔絲。頑石
縱橫紛難狀。或如巨人或如螭崩崖。欲墜窄壓人。岩
洞幽冥冷舍颺。峻阻往往絕。鐵索懸崖又見駕危梯。
湏臾攀來陰峰頂。雙峰對立無高卑。上有天神兩祠
廟。崇祀千載不曾衰。威稜凜凜真可仰。絕巔屹立不
傾歎。祠旁還放千里目。要吐胸間十年詩。諸山回環
相羅列。宛見兒孫呈嬌姿。遊人迭呼稱竒絕。予獨默
禱心內悲。曾聞絕頂望東武。此遊元不為快觀。吾
公雄名振海內。一朝何事逢飛語。臣壽感慨天一方。

淡窗云編聞雲霧奈
復見青天天下同慶

空抱孤忠抒無所欲。仰清光不自由。徒望江南慰愁
緒。無奈烟靄鎖不開。江南渺茫在何許。唯見衮衮利
根河奔流。一帶注霞浦。回頭又看水陽城。雲外繚白
辨樓櫓。此下有吾諸兄家。諸兄今日知燕處。吾悔不
共諸兄來。必有傑句比李杜。舉手絕叫欲相招。狂態
還恐瀆廟宇。登臨猶有陽峰在。休為此峰空延佇。俄
頃去攀陽峰顛。坦塗較減陰峰阻。宿靄澹澹猶未晴。
沈吟遶祠獨淒楚。却念明日是重陽。細討湏期明日
舉蒼卒。去向大寶祠。大寶隔在湖水滸。曳杖馳下推
尾道。旅亭傳食日已晡。

明日自大寶還抵山下光景
如昨遂不窮登陟而還

附東湖先生和韻
 蕩蕩二神開鴻基手運北斗張四維淡來霞浦三
 義潤築出筑山雙峰竒靈秀雖讓不二嶽東州諸
 山孰得追陰陽祠廟屹相對天門咫尺不難階大
 麓鷄鳴下侍鶴未散又絕頂早已見紅曦蒲山如子葦川
 孫膝下侍鶴未散又絕頂早已見紅曦蒲山如子葦川
 始如絲憶昔少年意氣豪奔騰自疑駕六螭登臨
 恥隨流俗學過三梯衣襟御層颺寧為起然高舉客
 格早倏忽殆過三十載尚恨酒戶狹高歌又嫌詩
 盡六年兩雨幽齋半夜枕空歌眉山韻滿瀝時見彭澤
 來故人兩卷詩俊逸殆類眉山韻滿瀝時見彭澤
 姿擊武節幾回稱愉快罕覩晨揮劍槍夕讀書餘事材
 飄也吐驚人語常喜到處吟舒愁緒囊中佳什既
 如茲胸裡所蘊幾許狂瀾何怪中流失拖檣疏
 山倒霞浦悠悠世途似狂瀾何怪中流失拖檣疏
 食菜羹君加餐風密雨空君甘處勸君述作扶綱
 常不必苦吟做李杜請看中院源一位誓將孤忠

伯兄云主翁之懷吾不知其為何狀顧書主之疾在懷之一字於主翁何尤
 又云暗中何得來薇薇亦非秋月之物意顛路之際作此念耳
 又云前主人太懷後主人太怯恐皆非好主人
 叔兄云余望蒲山眉隨波山此篇殆駕軼前篇
 揆園云余十年前亦登此上備極艱苦夜宿樹下今讀此作不堪孤昔之感

○○宿蒲山
 友履宇當年遺蹤君所經吟節豈得不延佇鑿興
 空駐南山岑黃塵滿目道路阻懦夫觀望不敢援
 關城日夕極辛楚丹心染成正統編萬鈞筆力孰
 能舉英光于今耀汗青之餘憤猶遠寶湖許為君欲
 馬千古懷寒窓竹影日又晡○會伯民先生亦有
 和韻作壽亦有前韻答東湖先生作今皆不錄

葦穗山上日已昃欲宿還嫌主翁懷山下狹隘無邑
 聚侵夜攀陟蒲山脊悲風慘澹雲月白樹陰失路披
 荆棘仰見蒲山雲外高星斗明滅無晴色采薇難醫
 飢腸鳴漫遊至此艱亦極攀盡喜見山上宅磬咳敲
 戶乞栖息山高夜半無客至主人驚愕疑鬼蜮後者
 稍來叙慇勤草草為辨藜藿食解裝洗足上草堂爐

忍廬云山宿實際語
坡仙得意作

叔兄云叙兄弟事無
一脫漏三十八字可
謂吾家小傳

松岡云前聯起九絕
格後聯句巧思妙
松園云此作歷卷
忍廬云醒世警句

松園云雄麗似伯氏
詩

邊相對語籍籍顧是諸君皆少年平生未知世路窄
大夫要當飽艱險今日何須歎顛踏

題伯仲竹梅圖

伯兄畫竹仲梅花風葉冰枝本自嘉題字還添叔與
弟風流一派屬吾家

○○偶作

霜葉紛飄落寒威轉蹙凌利名真糞土人世本風燈
間似夢中蝶嬾如霜後蠅蕭然窓下客掩卷睡曹騰

▽竹裡梅

歲寒冰操誰相敵但喚龍孫為友曹銀甲鬪來層雪

裡故將鳳尾繡戎袍

▽雪中泛湖分得嚴字因次坡公韻

北風掠艇水紋纖滕六篩來勢稍嚴湖面不埋千頃
綠化工漫費萬堆鹽霏霏玉屑鋪蓬底粲粲銀沙裝
帽檐溪上風筠渾壓盡南天露出筑山尖

○○再用嚴字賦長句

颯颯北風鳴茅檐玄冥釀雪吾已占亭午稍見冰霰
集俄頃又作玉霰添携朋欲繼山陰興湖上解纜縱
眺瞻漫空不辨遠山翠蓬底但喜波浪恬萬點入水
消無痕數片飄衣輕不露霏霏忽見埋蘭擢策策細

枕山云韻險語夷非
老於詩學者則不能
作也

松岡云此篇最見才
力李師常自言才力
不敵及前人是自謙
之言耳今觀雪中數
篇雖謂通久真可謂
踏雪之手矣
叔兄云以此吟韻
賦如此長篇粗無若
窮之態是常人所
及

揅園云善用險韻奇氣橫溢殆昌黎之亞

忍虛云結得有力全篇為之活動

聽灑葭蕙晚天風靜雪亦歇紅日已在馬耳尖四林
晴色眼轉明湖面宛似鏡開匳枯葦深處浮綠鴨叢
筠低盡認青帘舟中騷客歌相和岸上畫樓人捲簾
謹呼不覺暮鐘撞却訝東山吐銀蟾漫揮吟毫走龍
蛇才力已富千人兼奇思須壓柳絮語陳言敢擬空
中鹽形容又禁鷺兼鶴艱險却知詞鋒銛今日不許
持寸鐵赤手直可搏淵潛莫恠旗幟增鮮明詩將已
申彌令嚴

○咏鷹

肥甘幾日養金睛待得郊原秋氣清野鳥聽聲魂已

枕山云後聯馬得宛然

斷劍翎脫手膽先盈低迴掠地飛星落倏閃凌空掣
電驚應將健擊搏豺虎孤兔不須勞汝生

○○除夜

歲華拋去似驚湍又遇明朝是履端驅鬼萬家聲叫
號明年元遲春穉女語團樂一年已見窮陰盡五夜
纔餘寒漏殘孤心感慨眠難就起看滿天星斗寒

○○讀四家詩二首

原四茶山山陽
淡窓星巖

我愛山陽詩讀至西遊奇胸間吞九州吐來皆瓌奇
筆端驅萬景風雷隨指麾吁嗟此翁也才鋒誰相持
雖乏溫柔旨別擁一鼓旗譬之千里駒蹄齧或難羈

叔兄云世之論人太
拙過其實此篇譽不
掩其短識不及其長
可以當諸子小傳蓋
季卿得意之作

忍虛云二聯圓練逼
真務觀

淡窓云評山陽處皆
中肯綮
忍廬云之溫柔皆真
子成定評且句句簡
而華

枕山云茶山兼淡窓
淡窓不能兼茶山豈
非規摸之小耶然而
詩品高雅別據二隅
今比之蜀先主實可
謂公論矣
棕園云四首皆確評
而山陽淡窓二篇尤
得竅要

忍廬云三首結末皆
妙余尤愛第三篇

又譬干將利所觸斷虬螭有時不藏匣神鋒或缺虧
此翁異餘子著史騁雄詞看彼管與梁不免詩人歸
陽右山

我愛遠思樓詩壇別建旗一掃揚兼范遠沂韋柳詞
句中不競巧句外要著思始觀澹如水玩味稍覺奇
看彼逐春鳥嬌吟固可怡何如冲霄鶴清響聞雲達
何以評此翁翁自論翁詩苟存敦厚意風教可維持
只覺規摸隘疆域或有虧要之蜀先主正統誰不推
右淡
窓

○初夏分得涼字原三

殘紅落盡晝岑寂唯有喃喃燕語長幽夢醒來獨凭
檻滿庭新綠送微涼
迴塘數里野花香吟杖不愁溪路長橋下垂綸坐芳
草微風時動水蘋涼

吾友岡伯儀受學先人謹教之士也盛年喪父
心喪三年吾亦嘗為父母心喪三年吾家世業
孺然未嘗無執拗之謗而伯儀家世武弁處之
尤難感嘆之餘為賦古風一篇

嗟我同學友岡子獨私淑胸中富古書素行亦端慤
吁嗟如此人宜受天之福豈意少壯時已逢蓼莪酷

叔兄云哀痛動人非矯飾者所能及

哀痛動四隣，旦暮唯歎粥。奪情就官途，涕淚沾茵蓐。太朴散已久，澆季真堪哭。衰服或嬉娛，公然御鮮肉。若使聞君風，豈不懷愧慙。閔曾真邈矣，千古不可逐。誰知閔曾流，近出武夫族。叔世得斯人，猶足醫薄俗。寄語幸珍重，慎莫厭啜菽。北堂有老尊，不須脫綵服。餘力且勤苦，莫負少年目。先人在世童子日受句讀者殆七十人戲為孔門弟子儀為顏子伯

○泛僊湖

盡日漫兼魚鳥親，湖中景物一番新。蜻蛉欲立還飛去，時有微風動水蘋。

忍盧云細入畫所不及

叔兄云結尾勝畫圖

忍盧云意匠矯異

○畫松二首 原三

一幅畫松妙入神，看看還疑近復遠。淡墨糝糊葉葉沒，月邊纔辨一枝偃。

何人畫就兩株松，一樹亭亭一樹濃。茶鼎時看白雲起，壁間忽現兩蒼龍。

○夏夜聽雨

落日凌波濤，孤舟一葉舞。醒來窓底眠，飄颻梧桐雨。

○中陵先生挽詞

前輩凋零赴舊阡，纔看此老獨依然。高名久騁東都地，遊屐曾穿紫海山。蟲魚書就一千卷，龜鶴齡垂九

棕園云五六典切

叔兄云佳作餘人不
易及

伯兄云古人疑有是
意但未記其詩
忍盧云泉下俾漢高
讀之必悚然愧死

忍盧云婉秀標致詠
物完璧

十年何料今朝棄我去空餘架上宿者編翁曾輯古
來上壽者

○韓信出胯下圖

一身去就關成敗須與漢家同福祚胯下雖隘猶容
君沛公不及少年胯

○螢

田家六月靜蛙鳴處處林塘初亂螢箇箇晚穿田草
出疎疎時觸柳枝輕點衣曾上詩人詠照策還勝夜
學繁好為文園添典故古來知己是車生

○七夕分得夜字

忍盧云潔白翻別
有慧古

星河皓皓明殘夜知是雲橋迴鳳駕一年一度猶良
緣請看貧家女難嫁

○秋興四首原五

新晴開水閣眺覽寄幽情荷露知魚觸葦風亂舫聲
林靜鳥呼友身閑書課程一觴聊遣悶不作不平鳴
一雨催秋色新涼滿草堂山連平野壯水接晚空長
浪倒學鴛嬾放歌思楚狂悠然傾白酒直入黑甜鄉
山郭少人事携酒獨上樓數帆迴樹出一水抱村流
書任風開闔尊無容獻酬涼窓眠足處減却半生愁
村前復村後步步曳烏藤落木山初瘦浚流石露稜

叔兄云諸篇皆可誦
蓋李卿之作五古第一
五律次之至於七律
則清然自放似不能
斂才就高者何也
忍盧云起二句凄清
獨絕頂聯老筆雄健

真 棕園云第六季卿寫

年華去似水

秋髮稀如僧 人生須行樂 休教及履水

○秋夜二首 原四

大火已西流 偏驚歲月道 半窓脩竹影 四壁候蟲秋
風細搖燈火 更闌數漏籌 寒牀眠未就 雁叫白蘋洲
一庭梧葉落 蕭颯復秋聲 夜靜行人絕 月高宿鳥驚
疎簷風鐸動 孤枕夢魂清 起汲寒泉去 林梢斗柄橫

○秋懷 原五

一室耽書冊 不知人世勞 文師老泉健 詩慕少陵豪
草際蟲吟切 天邊雁字高 秋色已如許 聊復酌醇醪

○湖亭秋夕

棕園云老泉少陵天造妙對

枕山云二聯皆可入畫

汀洲水風起 獵獵動菰蒲 雁盡秋天杳 日沈雲岫孤
晚烟生遠浦 帆影落平湖 玉兔浴波出 乾坤清景殊

○秋雨 原四

煎茶小齋裡 獨坐對清秋 只聽征鴻唳 不看秀嶺浮
雨作三旬苦 酒消百日愁 明朝晴可卜 雲斷夕陽收

○美人汲井圖 原二

風暄露井夕陽閑 嬌態步來鳴佩環 玉腕持瓶不要
汲 先臨水底理雲鬢

○秋日

村落年豐酒易賒 晴溪流急淨無沙 湖天雁下秋光

叔兄云五律每篇極清麗絕無妝點

又云結末情態如見雖非名家亦不過焉

澹窓云閑雲未閑真
閑士語
叔凡云幽趣可掬

○雲

誰言天上白雲閑朝去晚來幾萬變何及閑人閑有
餘午窓歌枕看舒卷

○舟居 八居之一

江上船為宅往來西復東直凌千里浪只候一帆風
泛泛如無水颺颺疑駕空柳陰泊舟處皓月上疎篷

○溪居 同上

澗水遶庭去潺潺入耳娛幽魚自跳躍好鳥亦喧呼
壁濕蒼苔滑山深苦竹懼吾生少尤怨何用愚溪愚

又云意思縹緲宛如
流水

棕園云頌聯南宗名
句

叔凡云五古雅淡遠
在絕句之上
忍蘆云情致警絕

○山居 同上

結屋翠微裡風光自麗妍石傾山露骨壁絕竹行鞭
夕待青蘿月朝斟玉澗泉身閑日如歲不必問真仙

○圍爐

雪夜開地爐環擁共抱膝獸炭生絲霧忽然吐紅日
滿堂已疑春不知北風凜楚人皆挾纊鄒子休吹律
兩臉帶微紅四支已暢伏終宵在醉鄉何須杜康加
兀兀謾催眠不覺拋緇帙莫願十年相只合煨芋栗

○冬日曝背

下馬曾知草露布請纓又欲奏奇勲今日空嘆壯心

棕園云壯氣鬱勃有
擊碎唾壺之舉

棕園云通篇巧穩結
尾更妙

折南窓甘為負暄人

叔兄云春夢句奇甚
棕園云至情流露藹
然感人

○東湖先生次往歲元旦韻見寄再用前韻奉酬
日高白屋未開門。卧聽東風笑語溫。已作老容鬢髮
秃。敢論健啖齒牙存。孤身不嘆採薪苦。春夢偶傳慈
母言。寒枕覺來十年事。羨君膝下祝三元。先妣之沒
已十年來

詩云謫居歡欣緣何
事萱堂膝下祝三元

叔兄云二篇虛硬殆
似失律體又恐非先
子所喜然意氣兼之
是李卿本色

飽看陵谷相推遷。屈指空加三十年。我豈隨人作俯
仰。誰言得毀因。求全遣悶漫吟陶。今句煎茶何用惠
山泉。請君休問世間事。睡味須師邊孝先

○自息柶舟赴香取二首

忍虛云眼曠氣雄奇
想天開

風波千里是東寧。息柶祠邊解釣舡。正識前汴水流
漲。新蒲嫋嫋露尖青。
百載好開遊子懷。水天萬里渺無涯。輕舸直走怒濤
上。多少碎珠成雨來

○香取祠

重樓突兀水崖祠。念昔英威撫海陲。捷伐曾振蓋代
勇。旬宣實翼興王基。花盡神鄉春已去。雨過叢木翠
無涯。幾多村落靜雞犬。猶見當年綏定時

○春日郊行

綠水溶溶遠錦城。平田十里起東耕。橋邊芳草供吟

淡窓云覺舞雲風詠
其人不遠

忍廬云樓寫春光典
重瑰奇

坐溪上游儵知履聲世外一身元逸樂望中春物總
欣榮閑行到處花爛熳不似窮途阮步兵

○七月既望泛那珂江分得江上明三字

常陽風物本無雙一棹扁舟泝大江煙笛穿雲聲嫋
嫋宵流嚙石響瀧瀧盤上西瓜劈絳雪波間涼月翻
花幢坡僊勝事偶然遂千古幾人追遐蹤

浮沉誰識趨時尚湏向江湖托疎放醒促取為章句
儒粗豪寧作詞壇將御風恰覺步空中蕩槩不知行
水上窮達由來夢一場扁舟載酒聽漁唱
翠煙收盡水風清汀渚更闌露暗生兩岸漁燈星火

忍廬云前半恣意恢
奇逸情雲上

又云筆意峭拔

亂一川歸棹羽杯輕江心忽失金波動雲角已遮銀
兔明人去渡頭夜寥寂老楊樹上玉繩橫

○鬢髮峰歌

以下四首
日光山作

晁山七十又二峰連絡抱合倚蒼穹就中鬢髮尤峻
拔秋夏貯雪黛色雄我来正逢重九後宿雲解駁午
日烘絕壁往往吐乳水噴灑宛若跳玉龍半腹忽驚
別乾坤萬頃琉璃摩青銅冷然曾無鱗介生四時長
涵鬢髮容環湖峯巒相技撐低昂偃蹇見神功霜後
滿山錦錯落爛燦却勝百花紅仰看鬢髮在頭上高
壓諸峰勢龍從探討從茲窮絕頂回頭要看常陽東

忍廬云余亦嘗遊是山以不攀其巖絕頂為遺憾君他日再遊燕當同行以破羣蒙也

又云層崖之積鐵幾乎繪聲

誰知湖上古招提勝示不許着吾筇古來漫傳神恠
說奇秀絕特誰能窮憶着吾公十年前山下曾繫
五花驄低回坐賞幽僻地山木轉覺添鬱葱當時猶
欠登覽美吾生何以破羣蒙何時重得公再遊直
凌絕頂留高蹤

○華嚴瀑布

天風吹衣袂飄飄出人窠步步皆僊境怡然開我顏
層崖立積鐵苔色渾爛斑山木何堅瘦走根迭牽板
中有一條瀑下灑千仞谷平地走萬馬九天曬霧縠
千秋長不盡雷奔裂坤軸餘勢亦壯哉噴薄散冰玉

仙境難久留四肢寒起粟要借瓊液亦一飲換凡骨

○觀背瀑布

飛瀑奔騰裡誰知一道通鑿崖疑鬼手削壁看天工
水連銀漢壯地接名山雄泠泠香霧窟閃閃水晶宮
巖溜相沾濕溪樹總鬱葱亞聖嘗誠予躊躇敢停筇

○霧降瀑布

高巖四回合半腹懸瀑泉霜楓解吾意輝映發餘妍
瀉石翠玉碎綠壁亦珠聯古苔琉璃滑灑流雲母鮮
寒光透衣袖瑩然呈嬋娟詩句費安排漫擬廬山篇

○○悼山

忍廬云余游是山之日遂不探霧降之勝君能狀其風色讀之神魂欲飛蕩

楓灣云朝飢以下蜀
骨中之髓非親歷者
不能言
又云一字一淚不堪
再讀
枕山云潘岳悼亡情
重而不能遺在以此註
在自寬故云猶可擊
李卿云豈忍催彼塵
此實自有涇渭之別
矣

東風吹枯葉，芊芊侵幽堦。春禽亦得意，磔磔引友來。
嗟予獨何事，其奈中心摧。有時曳瘦藤，閑園獨徘徊。
顧君幽閑質，何以遭伊菑。自君棄我去，滿堂生塵埃。
朝飢誰食我，夜寒誰溫醅。垢衣倩誰澣，舊杼遣誰裁。
宿昔期偕老，纏綿見清懷。澹然井底水，澄澈奪瓊瑰。
豈料羆熊夢，却作鰥獨媒。枕衾帶餘香，燈燭殘青煤。
中宵夢相遇，夢覺心已灰。聲咳呼如答，綠窓不曾開。
傷神恐損德，莊生豈忍催。鍾情在我輩，引觴送一哀。

君之沒
以免乳

○高須矮松

樹在常南高須村，一木分為數幹。蜿蜒蟠屈跨數
百步，遠望之如叢林。實希世之物也。

漣沉霞浦，涘松林翠重。重豈知元一根，樹老枝橫衝。
蟠據跨百畝，蒼髯鬢鬢鬚。千柱支虬枝，蜿蜒如螭龍。
已無高風傷，敢恐冰雪封。棟梁亦無用，斧斤誰敢庸。
汝性本孤直，何以事曲從。空受萬人憐，獨得四時濃。
定是千年物，飽歷世汗隆。撫之發三嘆，頰傷落落胸。
余性直且愚，叔季誰能容。本願長孺，慙又恐類伯宗。
弦直與鈞曲，失得明如形。此言倘不信，請看高須松。

漢人諱直如弦，死道
邊曲如鈞，反封侯。

以上批點出伯叔二
兄淡窓探圍而出淡
窓者居多

○鹽原吟八首

余近歲絕不哦詩頃因疾請暇浴鹽原溫泉舊癖亦發矢口而吟隨吟隨錄在山二句得一百餘首暗谷入地底雲路出木杪棧架千仞壁渡來心猶掉路轉疑林窮棧懸巧護行料知村店近穿樹一燈青昨夜驟雨過帚川水澎湃溪邊卧牛石今朝纔露背谿石多礙流水如魚尾銳複嶺高連漢天作蜂腰細山似避湍流蜿蜒夾江峙水如乘其隙狂奔學飛矢石壁鬼斧削插霄三千尺老樹蟠其罅盡力似相格分明蚌化石如見翠紋濡何知千嶂頂本是海潮枯

以下批點出枕山一

又云是隔句對

楓灣云筆力健舉

又云就波諸山絕頂亦見蛎蛤堆積乃知滄桑之變未為妄說

楓灣云讀之猶覺墨氣流動

又云以下五首叙屬山水之奇矯健可亞蘇陸

水崖高千尺陰陰晝生寒寒衣漫題字醉墨濕不乾

○詠訪洞

以下五首北遊之作

一徑循流水來對蒼孱顏下有洞門開宛似月彎彎
 白水常瀟出琅然鳴玉環人言此洞中別有一僊窠
 冒險試秉炬巖白光爛爛寒衣亂暗流冷然透肺肝
 白日忽晦冥蝙蝠掠人翻陰晦鬼所依蛟螭或蟄盤
 燬犀非吾事幽明道固拌人生樂事足何苦冒此艱

○天妃山觀日出歌

天妃山上待朝陽朝陽未出海蒼蒼須臾忽見撥蒼
 霧衝天萬丈放光芒海面一道鑄黃金金華射眼光

炫煌曉雲紛紛四解散紅輪中天照萬邦決眦遙望
 日出方溲溲寧知有窮荒地名阿墨性狼貪大舶駕
 海勢跳梁神州威風稍陵遲不似大陽出海昌誰
 能折箠答此胡一揮挽回虞淵光功名由來在草莽
 修劍拄頤瞰大洋

立割山

孤筇陟雲嶠蛇徑何繚繞境幽樵歌絕樹密林猿叫
 突然見石丈屹立尤奇峭苔蝕已斑斕中封仰神鑿
 老木遠古祠落日掩餘照慘風鳴長柯唯疑鬼物嘯
 嘗聞同人語此山尤邃奧今日窮幽探一一領其要

賦就獨零淚歸日誰同好九泉人已非隧道草堪掃

此友岡伯儀先余着鞭於此嘗為余
 說其詳而今伯儀就木為之愴然

〇〇月居瀑

官人一日脫樊籠飄然去追雲水鴻常北清景孰起
 卓萬人爭推月居瀑青嶂回合勢崢嶸危崖怪巖相
 凌蹙來遊偶及秋氣清萬象改色相逢迎老楓帶霜
 濯紅錦峭壁倚天開青冥天險如此誰得至奔流却
 勝百萬兵擘來青壁列萬戟聲夾雷霆九地鳴忽見
 良將勒部伍下趨深潭寂無聲旁有突兀青玉峽紅
 蔓點綴帶緋甲睨視如瞋瀑流橫傾立忽欲為彈壓

山子瞰之毛髮衝倚崖絕叫起長風月居飛瀑天下
竒鳥得彩毫如椽大倒捲瀑水為硯池盤礴一揮萬
仞壁淋漓長逗龍蛇姿

○○祭箭溪

月居之竒箭溪秀秀麗竒矯兩無敵命駕聊探祭箭
溪一天微風萬綠寂窈窕忽見開生面攢峰列壑爭
秀特雨打土迸露皺容巖光凌亂紛相射豎者如劍
橫如屏繚繞迴帶何伶俚又見翠松與紅蔓縹緲掩
映迭送迎雲日下照發輝彩宛如錦繡蒙崢嶸定有
僊人栖此裡予將舉鞭追遐軌一道奔流自東來水

勢活活嚙山趾便覺溪巒生鱗甲動搖不待玉琴起
唯恨僻在天北陞樵夫牧豎過不知千秋獨傳源將
軍奏凱祭箭表此竒予亦來過踵芳躅人間誰又記
靡庶古來賢達遊此多將軍勲名獨煜煜八幡公與州之役凱

旋至此祭其箭云是山之所以得名也

○○正月三日夜雪姪延年簡索詩分得馬辛酉

朔風一夜弄陰機遠林隱隱驅萬馬曉來鳥雀報窓
明起來大雪壓松檟兒童策試下庭除浪走忽見深
沒蹀墻倒籬歌迷界限城市鱗鱗祭萬瓦老子怯寒
深局門廢吟久矣效喑啞時聽門外剝啄聲忽驚瓊

叔兄云季子高注眼不細下工夫故編中物體失聲往往有之是亦一病安知後輩所議不出此則宜出戒焉

綜園云絕句近於古詩古人平仄頗寬律詩則不可不嚴求之古人李杜二家間有拗戾者其他雖以韓蘇之豪猶不敢犯李御之詩雖屬奇姿猶之天馬不可施以衡勒其不拘拘乎平仄固矣雖然失聲失調恐失詩之所以為詩其言雖美竟為白璧之瑕類願季御少留意焉
意為
忍盧云季御才情雄邁氣驟軼若往往於古體運其技柄祖律體有失聲調不圓穩者是為可惜爾

篇繼風雅對雪吟詩更溫酒詩之與雪兩清灑誰道樽酒難獨傾大杓先要鵝黃瀉一杯已覺神氣蘇蘇故態發發馬脫鎖君不見金閣玉樓爐峰雪美人褰簾徐起坐亦不見朔雪蕭蕭勒部伍勁弓大箭定區夏亦不見重圍不愁風雪苦竽簫沸江橫輕舸丈夫處世有如此何似佐野津頭立雪者詩人自古例多窮自笑此生類東野要將豪語破春寒苦吟不覺傾幾竿

男 延嗣 校

填苑小集卷之四終

跋

余總外不喜讀書。聞唔咿之聲。掩耳而走。年十六七。稍知嚮學。屬文。文亦侏儻。無足觀者。而每一文成。家君喜曰。阿兒可教也。壽亦以為文可成矣。家君嘗顧壽等曰。他日輯汝等文為一集。名以填苑。壽等唯唯而退。辛丑之歲。納言公設學宮。以教育多士。家君受命。出為督學。伯兄職次之。壽亦以不肖。列其末。叔兄則為章考館生員。父子兄弟皆以文學並仕。吁亦榮矣。而未一紀。家君捐世。伯兄與壽皆罷學職。俯仰之際。人世變遷。向時之盛亦安在。而壽之間學則鹵

莽滅裂猶往日。不得不為之赧然。雖然先人之言亦不可廢。於是選擇兄弟之文。合為一集。壽私念天下難得者非兄弟耶。兄弟天倫也。不可求而得。兄弟或多。而所嗜不同。所嗜或同。而睽離乖隔。不能遂友于之情者。比比皆是也。今我兄弟則伯仲叔季。不為不少。而所好既同。所仕亦同。花晨月夕。共聚一堂。屬文賦詩。從容唱和。怡怡為綽綽焉。何其樂也。是真非青山氏之福乎。人世變遷。一家窮達。亦何足言乎。亦何足言乎。又念余總角如彼。加之賦性頑鈍。然猶以文字列諸兄之後。豈非先人之教使然乎。世之雋秀者

勤苦學道。其所成就。豈可測哉。而人不敢為者何也。意彼必曰。壯夫之業在長劍大槊。區區何事。此吁其亦然乎。

嘉永辛亥之秋八月中浣

延壽謹書

一家父子兄弟。並以詞藻著者。蓋希見其人。晉有陸。宋有三蘇。我邦則仁齋父子。除此則寥寥乎。今塵見青山氏而已。青山氏昆季。詞才縱橫。迭相頡頏。頃見寄此卷。反覆讀之。不勝欣羨之酷。讀完。乃書詹詹還之。

壬子夏孟月中澣

江都一齋老人坦識

清魏善伯叔子和公兄弟三人。以史學文章鳴於一時。而叔子為其白眉。二人皆不及焉。我邦水府青山氏兄弟三人。亦以史學文章鳴於一時。而無可軒輊。試取其詩論之。伯子雄渾。叔子典麗。季子俊爽。實具衆美於一家。而余之子立無兄弟者。豈可不艷羨耶。

丙寅章月

東都處士枕山大沼厚識

書堯叟集後

癸亥之冬。青山季卿來自水戶。訪敝廬。袖其昆弟四人文稿名堯叟集者。令予批圈之。許諾已而思之。批圈非古也。蓋自晉人今典籍為四部。經史子集判然為四類。然原其本。四者一也。夫經史子集。非均皆載道者乎。理之精者為經。次者為子。以辭勝者為集。主於叙事者為史耳。然子而為經者有之。如春秋內外傳是也。集而可為子者有之。如韓朱二文公之集是也。然則經史子集。豈有定名哉。亦在其辭理淺深如何耳。若使著書者曰吾書史也。於理無取爾。吾書集

也。主於辭爾。則非文章載道之義也。方今雖去聖遠。而人之言語文章。豈無近于經子者哉。雖名為史為集者。亦豈無以理勝者哉。經而批圈之者無有。非畏瀆乎。子若史罕矣。獨詩文集。注之批之圈之。甚者至朱藍燦然眩人目。吾見其流於華也。季卿兄弟皆紹述其父拙齋先生之業。所志在忠孝大節。其見于辭者。皆經文緯武之事。是々非々。絕無浮華靡麗之習。嘗讀其先子所著書。如皇朝史畧。如明徵錄。如文苑遺談。其為體簡質雅潔。議論確實切事情。庭訓之所薰陶。併是集。皆辭理俱至者矣。果然則科世所沿襲。

批圈以虛贊之者。不幾於瀆其家範乎。謝眺嘗謂人曰。士子聲名未立。宜共將成。無惜齒牙餘論。方今天下莫不知水戶有青山兄弟。固毋籍乎吾輩齒牙也。何況批圈乎。及其還書。聊言之以塞諾云。
慶應紀元乙丑抄冬

宕陰鹽谷世弘跋



石齋高豐珪書



